

# ZON AR BREZEL

*War Don : GUERZ SANTEZ ANNA*

Mar mè bet eun tamm amzer ha galloud imprim'a,  
Me ganfè d'oc'h eur chanson kompozet ar bloa-ma.  
N'eo ket vit plijout d'an holl na pa vè hep hi far ;  
Mar ne ve ket vel eur zon e vo vel eun istoar.

Graet gant eun tōer mein-glaz 'tont deuz kuitat e vro,  
Ha ma beuzet e galon en eur mor a zaëro.  
Pesort malheur vît eun den dont da guitat e vro,  
Guelet e vuia karet e toul dor ar maro !

Ar ber-var 'n-uguent kenver me oa bet partiet  
Deuz ar ger an Orient gant ma c'hamaraded.  
Ar zeiz-var 'n-ugent kenver er front oamp erruet,  
Var gourre eun tammik plouz oamp laket da gousket.

Da c'huec'heur deuz ar mintin oe zonet dihuni,  
Ha oe kerhet ar c'afe evit hon dijuni.  
Da seiz eur deuz ar mintin an appel a eo graet,  
Ha ar gompagnonnezou a oe d'emp diskweet.

Eur pennadik goude ze ni oe bet ambarket.  
Trezek kérirk ar Ménil da vel't ar Brusianed,  
Da uneg eur deuz an noz oamp aët deuz ar gourbi,  
Da beder eur ar mintin en tranche oamp arri.



Da beder eur ar mintin oa ket hoaz sklaer an de,  
Pa grogaz trouz fuzuliou ha soixant' quinz' goude.  
Pa grogaz ar ganonik soixant' quinz' da c'hoari,  
Ha d'eun eur goude kreiste oe dao d'emp attaki.

Kommanset oa an attak, deut oamp war ar blenen,  
Evit reseo blessuriou hag evit souffr anken ;  
Hon zac'h ganimp war hon chouk, baïonnette au canon,  
Mont a remp tammou arog hed ha hed gant ar front.

Maez, siouaz ! me a velê, dour leiz ma daoulaged,  
E chomè war an dachen kalz a gamaraded.  
E chomè war an dachen kalz a gamaraded,  
Lod outé a oa blesset, lod all a oa lac'het !

Maez dre drouz ar mitrailleus' ni gourajè bepred.  
Mont a remp tammou arog ; eun tranche 'm oamp tapet,  
'N eur erruout en tranche, ebarz em oamp lampet.  
Graet am oamp prizonerien gant ar Brusianed.

Da zaouzek eur deuz an noz e oa graet kontr-attak,  
Ha dao d'emp mont adarre d'ar gombat ha d'ar strak.  
Pa oa échu ar gombat, oa goleit ar blenen,  
Red d'an dud paour chom enno, faut a vrankarderien.

Me ho ped, o va Doue, dont da gemer true,  
Klèvet an dud o krial, o c'houll forz d'o bue.  
Benn tri devez goude-ze ni 'm oamp o destumet,  
E kreiz an dachen vrezel e oe graet eur verred.

Laket oe souveniriou tro-war-dro war o be,  
Ha kaset kélou d'o zud eur pennadik goude ;  
Kaset oe kélou d'o zud, skrivet war baper gwenn,  
Da laret d'è oant chomet enno war an dachen.

Pa vo Klèvet an dra-ze, 'ranno forz kalonou,  
'Sonjal en dud douaret etal ar frontierou.  
Nemed kri vè ar galon, pep lagad a ouelfè,  
Hed ha hed d'ar park brezel, piou bennag a velfè.

Vel oa karget ar c'hiri gant ar c'horfou maro,  
Ha gant goad ho mignonned arrozet holl ar vro !  
An tadou hag ar mammou gavo kri an dra-ze,  
Goude bet kement à boan o sevel bugale !

Vel ma oamp-ni daou bried hag an em garè mad,  
Bepred tè d'in da zonjal, hag e ienè ma goad.  
Pa vijè ma groeg er ger kousket douz 'n hi guele,  
Me vijè war eun tamm pri kousket barz an tranche.

Goude vijè war ma chouk ma c'hapoten klèret,  
Goude vijè ma c'hepi war ma fenn riellet.  
Dre ar grizil ag ar skorn, hag ar sez sort amzer,  
Kement-se n'eo c'hoaz netra e kever ma mizer.

Ar seizved deuz a viz meurz ni oe bet ramplaset,  
Barz ar gèrik ar Menil ni oe bet ambarket.  
Barz ar gèrik ar Menil ni oe bet ambarket,  
Evit mont da Var-sur-Aub gant hon c'hamaraded.

An dre war lerc'h da vintin, oa deut eur vataillon,  
Vit ober d'emp eur renfort dont en dro war ar front.  
Benn eur pennadik goude ni oa bet distroet,  
D'eur gèrik all deuz ar Meuz da vèlet ar Boched.

Ar seized a viz Ebrel e oan me bet blesset,  
Ha kaset d'an hospital evit beza soignet.  
Pa oe parè ma blessur, d'ar gèr oen partiet,  
Da basseal eiz devez da ma bro binniguet.

Hag èchu an eiz devez me oe bet retornet,  
Etresek ker Montroulez daved ma c'hanfarted.  
Er bloa mil nao c'chant pemzek, ar bemzek ar viz mae,  
Ar zòn ma oe kompozet barz ar gèr a Vorlaix.

Mar fot d'ac'h goùt ha klèvet gant piou eo bet savet,  
Eo gant eun tòer mein glaz deuz kanton ar Faouet.  
Zavet eo bet ar chanson vit 'n em divertissa ;  
Gredan ket e fachfè den o klevet he c'hâna.

Mar fot d'ac'h goùt ha klèvet piou 'neuz graet ar rimou,  
Hanvet eo Lincy Germain, deuz Poul-ar-Foz Guiscriou.  
Ha, mar ' moc'h klask goùt hano 'hini 'neuz è skrivet.  
E Rozen-Mellek Gourin e hallfoc'h hen kavet.

(Propriété réservée à Pierre JOUAN).